

Tagesworkshop Elterntraining für Paare in Familiengründung, Eltern von Kleinkindern zum Thema: „Abenteuer – Gelingende Bindung“ mit der Referentin Barbara Obrist Vorhauser am Samstag, 12. November von 9.00 Uhr bis 17.00 im Vereinssitz der Bewegung für das Leben, Meran - Gampenstr. 49. Anmeldung innerhalb 09. November an info@bewegungfuerdasleben.com, oder unter Tel. 0473/237338
Veranstalter: Bewegung für das Leben Südtirol.

Schülerheim Neustift: de dla porta daverta dl Istitut ai 11, 18 y 25 de novèmber dales 14:00 ales 16:00. Por prenotaziuns cherdé le nr. 0472/824359 o schuelerheim@kloster-neustift.it.

Curs de Ultimo Aiüt, metü a jí dales infermieres dl Raiun Sanitar Val Badia olach'an impara da socodí y da di sté dlungia tla dërta manira a porsones che é tl morí. Le curs vëgn ciamó n iade tigní a S. Martin, tl Istitut Micurá de Rù, ai **19 de novèmber** dales 08:00 ales 12:00. Präibel se anunzié damperfora cina ai 18 de novèmber al nr. 0474/586128, dales 08:00 ales 09:30.

Le KVV La Ila organisèia n curs de Pröm Aiüt adöm ala Crusc Blanca, en sabeda ai 19 de novèmber dales 14.00 -18.00, tla sènta dla Crusc Blanca Alta Badia a La Ila, str. Boscdaplan 101. Le curs é debann por i scric ite ala Crusc Blanca, por i nia scric ite é l n cost de 40,00€. I posc é limitá da min 8 - a max 16 porsones. Por prenotaziuns cherdé sò le nr 328/8662333 (Annelies) anter le 14 de novèmber.

Training de comunicaziun sön le ciamp dl laur „Comuniché damí cun colegs, colaboradus y cliënc“ cun dot. Aldo Menini organisé dal Consèi de Formaziun de Badia: ai 17 y 18 de novèmber te Ciasa Runcher. Iscriziuns cina ai 8 de novèmber a cf.badia@rolmail.net o al nr. 338 4886447 (Karin).

Conzert „Soms deboriada“: la uniuon müjighes Val Badia invièia al conzert tla hala dl tennis a Corvara en sabeda, ai 12 de novèmber dales 20.00 cun la müjiga dla Val Badia adüm ai Saxroyal. Dales 21.00 aurela cürta cun la Böhmische di jogn dla Val Badia, la Böhmische da La Val y i Saxroyal. Al gnará dé fora da mangé y da bëire.

La „Uniuon Teater La Ila“ ves invièia al teater „Te camping“ aì 12 - 13 16 - 19 de novèmber dales 20.30 y ai 20 de novèmber dales 15.00 tla Ciasa de Cultura a La Ila. Prenotaziuns: tel.nr. 3332525740.

Impressum: Ploania, redaziun Cristina Frena
Comunicaziun cina jöbia sèra a parocchiabadia@libero.it o frenocris49@gmail.com
Dowonlad plata: <https://www.valbadiaonline.it/comunite/ploanies/ploanies/ploania-badia.html>



Plata dla Ploania Badia

San Iaco - San Linert


Ploan: Siur Iaco Wendelin Willeit
Cell. 347 909 4532

Calonia Badia: 0471/839571

E-Mail: parocchiabadia@libero.it

Radio dla Ploania: 91,10 Mhz

UNITÉ PASTORALA



VAL BADIA

www.unitepastorala.org

Ann „C“ 06.11. – 13.11.2022 XXXII° Domènia Tèmp Ordinar n. 59



Festa de San Linert - Patron de nosta Dlijia

Vangele dla proscima Domènia - 33° dl Ann „C“

Lüca 21,5-19

Te chël tèm, tratan ch'al n'è n valgügn che baià dl tèmpl, sciöch'al è inforní cun de beles peres y cun ofertes de us, á Gejú dit: Al gnará n tèm, dailó ne restaral de döt ci ch'i odèis chiló degóna pera sura l'atra; döt gnará trat jö. Ai á damané: Maester, can sozedará pa chësc, y a ci sëgn conesciaran pa che chësc é tl sozede? Al á respognü: Metede averda, ch'an ne ves ingianes nia! Deache tröc lovará sò te mi inom y dijará: lö sun chël!, y : Le tèm é chiló! Ne stede a ti salté do! Y sc'i aldis baián de veres y de tumulc, ne stede a se lascé sprigoré da chël! Deache chësc mëss sozede por pröm; mo la fin ne vëgn nia ciamó atira. Spo ti ál dit: Al se lasciará sò n popul cuntra l'ater y n rëgn cuntra l'ater. Al gnará de gragn tremoroc y te tröc posc möries y ciaresties; al sozedará cosses da fá pôra, y sò al cil odaran de gragn sëgns. Mo denanche döt cant chësc sozed, jaran porsura os y an ves porseghitará. Por gauja de mi inom ves surandaran ales signoríes dles sinagoghes, an ves sciurará te porjun y ves condejará dan da resc y governanc. Spo podarèise dé testimonianza. Tolésse dassënn dant de ne ves cruzié nia damperfora por osta defenüda; deache iö ves dará ite les parores y la sapiënza, insciö ne sará üsc aversars nia bugn da se mëte cuntra os y de dé decuntra. Cinamai üsc geniturs y üsc fredesc, üsc parënc y üsc amisc ves tradiará, y n valgügn de os coparan. Y por gauja de mi inom ves aran le sënn. Y impö ne ves gnaral gnanca stort n ciavèi. Sc'i restèis frëms, davagnarèise la vita.

FUNZIUNS SACRES

06.11. **FESTA de S. LINERT – De de rengraziament dla racoiüda**

09.00 **Mëssa ciantada dal cor en onur de S. Linert**

Sfilada di ciavai y benedisciun

†ti Paolo y Carlina Pitscheider

†to Tone Pitscheider

†ti Anvidalfarei de Piz

18.00 †to Giovanni Irsara – otavare y dedô corona por le defunt

†ta Gerda Schulze Irsara

†to Giovanni Pitscheider dl Pico - aniversar

†ti Erna y Hermann Dapunt

†ta Claudia Alfarei

†ti Franz y Lidia Pedratscher

08.11. **Mertesc - S. Gottfried**

19.30 †to Rudl Pitscheider - aniversar

†to Sandro Canins (dala uniuon ei)

vis y †ti Granruaz da Paracia

09.11. **Mercui**

07.25 **Mëssa cun i scolars**

†ti Robert y Roswitha Burchia

†ti de Irma Ploner

por fam. de Pia Pizzinini

11.11. **Vëndres – S. Martin**

07.30 †ti Otto, Pancraz y Paula Clement

†ti dla fam. Campeï / Frenademetz

†ti Pescoller da Grones

12.11. **Sabeda - S. Iosafat**

16.00 Mëssa a Oies

13.11. **33^a DOMËNIA dl ANN C – Domënia dla Caritas**

10.00 **Mëssa ciantada dal Kerygma por süa ativité de 30 agn**

†ti Burchia da Pedraces

†ti Lois y Giuvana Irsara • *oferta por la Caritas* •

por fam. Flurian y Lucia Sottara

15.00 *Ora de adoraziun*

18.00 †ta Maria Costner Vittur (dala uniuon èles)

†to Erwin Pescosta

†ti Franz y Rosina Irsara

por les animes dl purgatore

Dala VITA dla CÛRA

La bela Cortina de Badia

Tan bel ch'an á podü fá les funziuns da Gnissant, te na bela cortina cun fosses fates sö tan bel, ciüfs y ciandëres y ega santa.

N gran giulan a vignun y ales families y a düc chi che ciara dla cortina. N gran giulan al mone Bruno por so gran laur d'isté y d'invern, a Manfred de so bun sorvisc, ales porsones che ciara dles fosses di Proï y al comun y sü lauranc.

N giulan ince dl sorvisc dales sopoltöres, ailó sambëgn al Cor de dlijia.

Siur Degan

Consëi de Cûra: al se abina en mertesc, ai 8 de novëmer do mëssa da sëra.

Domënia dla Caritas: ai 13 de novëmer gnarál trat ite tran les mësses l'oferta por la Caritas.

Festa de S. Martin: sciöche tradiziun se abina en jöbia, ai 10 de novëmer dales 17:00 i mituns te scolina por festejë S. Martin.

Rorate: l'Advënt n'é nia plö dalunc porchël periunse les uniuns y i grups che arjgná ca les mësses/Rorate, ince i cors y i grups che se mët a desposiziun por cianté y soné, da gní te calonia por fá fora les dates. Chëst'ann sará i Rorate vigni mertesc, vëndres y domënia.

I jogh de Badia á lité n comité nü, bun organisé cun

Ivana Irsara – presidënta

Nicole Burchia – vize presidënta

Christof Irsara – responsabl local

Martin Valentini – responsabl local

Daniel Rubatscher - aconsiadú y mëmber grup decanal

Valentina Tavella – responsabla social media

Miriam Irsara – scrivana

David Flatscher – cassier

I ti fajun les mius aodanzes y periun do na bona colaboraziun.

Al comité da denant ti dijunse n bel giulan de süa ativité.